господа нашего Иисуса Христа, ему же слава и велелепие во веки веком, аминь.

Редакция распространенная

Текст по списку Исторического музея, собрание Черткова № 313

Месяца июлия 30 день. Слово о явлении иконы святаго чюдотворца Николы, како явися во граде Херсоне священику некоему именем Евстафию.

В дето 6740 втораго году явися святый и ведикий чюдотворец Николае Херсунъский и Зараский в преименитом граде Херсони священику своему Евъстафию в нощи и рече ему: "Евъстафие, возми образ мой чюдотворный из Херсоня града, и супругу свою Феодосию, и сына своего Евъстафия и иди в землю Резанскую: тамо хощу быти, и чюдеса творити, и место то прославити". Евъстафий же восторгся от таковаго видения и нача ужасно разъмышляти в себе. Он же и во вторую нощь паки явися, тожде глагола ему. Евъстафий же въпаде болий страх и не ведый, что сотворити о сем. И нача помышляти в себе: "О великий чюдотворче Николае, камо велиши: аз раб твой ни земли ли Резанъския слышах, ни на сердце мое не възыде. Не вем бо камо есть земля та — на восток ли, или на запад, или на юг, или на север". И тако помышляше в себе. Тогда и в третию нощь явися ему чюдотворец Николае, тъкнув в ребра и глагола ему немедлено итти на восток, обещася допровадити его до земли Резанъския. Слышав же Евъстафий от святаго сия, и трепетен бысть о таковем видении, и помыщляще в сердцы своем — како оставити славный град Херсонь и итти в землю незнаему. И бысть в скорби велицей, и во унынии мнозе, и мало замедли о сем. И абие найде нань главная болезнь, и от толикия болезни нападе аки чещуя на очи его, и ослепе. Евстафий же нача помалу ум свой ко святому простирати о них же соделах, и прилежно припаде к чюдотворному образу святаго Николы. И нача с плачем каятися о согрешении своем, и молити святаго, сице глаголя: "О великий чюдотворче Николае, возвеличеный от господа на небесех и прославленый на земли паче всех в чюдесех, -- согреших пред тобою, владыко, преслушах твое повеление, прости ми грешному. И ныне, что велиши, то и сотворю по воли твоей". И ту абие провре, и исцеле главная болезнь, и аки чешуя отпадоша билма от очию его. Он же от радости со гласом слезы псаломски испущаще, и объем чюдотворны образ той святаго Николы лобызаще, хвалу и благодарение святому возъсылая. И много молив святаго, дабы ему дойти места святым желаемаго, и помышляя на восток итти по Дънепру к земли Рязанъстей. Тогда нецыи сказаща ему, яко за Непром живут погании половцы. Он же ни во что въменяше сия, и на бога и на пречистую его матерь упование возлагаше, и святаго отца и чюдотворца Николая на помощь призываше. И тако хотя итти чрез землю поганых половец, помышляще в себе, яко может бог от них избавити его. И се тоя нощи явися ему святый Николае, сице